

列傳第二十二

陳書二十八

散騎常侍姚

思廉

撰

世祖九王

古尚宗二十九王

後主二十子

世祖十二男沈皇后生廢帝始興王伯茂嚴淑
 媛生鄱陽王伯山晉安王伯恭潘容華生新安
 王伯固劉昭華生衡陽王伯信王充華生廬陵
 王伯仁張脩容生江夏王伯義韓脩華生武陵
 王伯禮江貴妃生永陽王伯智孔貴妃生桂陽

王伯謀其伯同犯逆別有傳二男且卒本書無名
始與王伯茂字鬱之世祖第二子也初高祖兄
始與昭烈三道談仕於梁世為東宮直閣將軍
侯景之亂領弩手二千援臺於城中中流矢卒
紹泰二年追贈侍中使持節都督南兖州諸軍
事南兖州刺史封義興郡公諡曰昭烈高祖受
禪重贈驃騎大將軍太傅揚州牧改封始興郡
王邑二千戶王生世祖及高宗高宗以梁承聖
末遷于關右至是高祖遙以高宗龍襲封始興嗣

以奉昭烈王祀永定三年六月高祖崩八月
世祖入纂帝位時高宗在周末還世祖以太宗
之饗其年十月下詔曰日者皇基肇建封樹枝
戚朕親地攸在特啓大邦弟頊嗣承門祀如土
宇開建萬饗昔人由重以遺安之不造閔凶夙進儲
貳遐隔轄車未返猥以眇身膺茲景命式作龜
鼎冰谷載懷今既入奉大宗事絕藩裸始興國
廟蒸嘗無主瞻言霜露感尋慟絕其從封嗣王
頊為安成王封第二子伯茂為始興王以奉昭

列坐祀賜天下爲父後者爵一級庶申罔極之情永保山河之祚舊制諸王受封未加戎號者不置佐史於是尚書八座奏曰夫增崇徽號飾表車服所以闡彰厥德下變民望第二皇子新除始興王伯茂體自尊極神姿明穎玉映觸辰蘭芬綺歲清暉美與言曰茂月升道鬱平河聲超袞植皇情追感聖性天深以本宗闕緒纂承藩嗣雖珪社是膺而戎章未龍豈所以光崇睿折寵樹皇枝臣等參議宜加寧遠將軍置佐

史詔曰可尋除使持節都督南琅邪彭城二郡諸軍事彭城太守天嘉二年進號宣惠將軍揚州刺史伯茂性聰敏好學謙恭下士又以太子母弟世祖深愛重之是時征北軍人於丹徒盜發晉郗曇墓大獲寶物右將軍王羲之書及諸名賢遺跡事覺其書並沒縣官藏于祕府世祖以伯茂好古多以賜之由是伯茂大立草隸甚得右軍之法二年除鎮東將軍開府儀同三司東揚州刺史廢帝即位時伯茂在都劉師知等矯

詔出高宗也伯茂勸成之師知等誅後高宗恐
伯茂扇動朝廷光六年乃進號中衛將軍令
大居禁中專與廢帝遊處是時四海之望咸歸
高宗伯茂深不平日夕憤怨數肆惡言高宗以
其無能不以為意及建安人蔣裕與韓子高等
謀反伯茂竝陰豫其事二年十一月皇太后令
黜廢帝為臨海王其日又下令曰伯茂輕薄妄
自弱齡華負嚴訓彌肆凶狡常以次居介弟宜
秉國權不涯年德逾逞狂品殊圖為禍亂扇動宮

闈要招麤險缺堦臺閣嗣君喪法由此亂階
是諸凶德咸作謀主允宜擊彼司甸州斯劉人言
念皇支尚懷悲憫可特降為溫麻侯宜加禁止
別遣就第不意如此言增滋歎時八門之外有
別館以為諸王冠婚之所名為婚篋至是命伯
茂出居之於路遇盜殞于車中哇以年十八
鄱陽王伯山字靜之世祖第二子也偉容儀舉
止閑雅喜愠不形於色世祖深器之初高祖時
天下草創諸王受封儀注多闕及伯山受封世

祖欲重其事天嘉元年七月丙辰回書八座奏
曰臣聞本枝惟允宗周之業以弘磐石既建皇
漢之基斯遠故能協宣五運規範百王式固靈
根克隆卜世第二皇子伯山發睿德於韶年表
歧姿於中日光昭丹掖暉映青闈而玉圭未秉
金錫靡駕豈所以敦序維翰建樹藩戚臣等
參議宜封鄱陽郡王詔曰可乃遣散騎常侍度
支尚書蕭睿持節兼太宰告于太廟又遣五兵尚
書王質持節兼太宰告于大社其年十月上臨軒

象命之曰於戲夫建樹藩屏翼聯八王室欽若
前典咸必由之惟爾夙挺珪璋坐知孝敬令德茂
親僉譽所集啟建大邦寔惟倫序是用敬遵
民瞻錫此圭瑞往欽哉其勉樹聲業永保宗社
可不慎歟策訖敕令王公已下竝臨於王第仍
授東中郎將吳郡太守六年爲綠江都督平北
將軍南徐州刺史天康元年進號鎮北將軍高
宗輔政不欲令伯山處邊光大元年徙爲鎮東
將軍東揚州刺史太建元年徵爲中衛將軍中

陳書傳卷之三十一
領軍六年又爲征北將軍南徐州刺史尋爲征南將軍江州刺史十一年入爲護軍將軍加開府儀同三司仍給鼓吹并扶後主即位進號中權大將軍至德四年出爲持節都督東揚豐三州諸軍事東揚州刺史加侍中餘如故禎明元年丁所生母憂去職明年起爲鎮衛大將軍開府儀同三司給班劍十人三年正月薨時年四十伯山性寬厚美風儀又於諸工取長後主深敬重之每朝廷有冠婚饗醮之事恒使伯山

爲主及丁所生母憂居喪以孝聞後主嘗是吏部尚書奏徵宅因往弔之伯山號慟始絕因起爲鎮衛將軍仍謂羣臣曰鄱陽王至性可嘉又是西第之長豫章已兼司空其亦須遷太尉未及發詔而伯山薨尋值陳亡遂無贈諡長子君範大建中拜鄱陽國世子尋爲貞威將軍晉陵太守朱襲爵而隋師至是時宗室王侯在都者百餘人後王恐其爲變乃並召入令屯朝堂使豫章王叔英總督之而又陰爲之備及六軍

敗績相率出降因從後主入關至長安隋文帝
竝配于隴右及河西諸州各給田業以處之初
君範與尚書僕射江撝友善至是物贈君範書
五言詩以敘他鄉離別之意辭甚酸切當世文
士咸諷誦之大業二年隋煬帝以後主第六女
女嫺爲貴人絕愛幸因召陳氏子弟盡還京師
隨才敘用由是竝爲守宰遍於天下其年君範
爲溫令

晉安王伯恭字肅之世祖第八子也天嘉六年

立爲晉安王尋爲平南將軍吳郡太守置佐史
時伯恭年十餘歲便留心政事官曹日治理太建
二年入爲安前將軍中護軍遷中領軍尋爲中
衛將軍揚州刺史以公事免四年起爲安左將
軍尋爲鎮右將軍特進給扶六年出爲安南將
軍南豫州刺史九年入爲安前將軍祠部尚書
十一年進號軍師將軍尚書右僕射十二年遷
僕射十三年遷左僕射十四年出爲安南將軍湘
州刺史未拜至德元年爲侍中中衛將軍光祿

夫夫丁所生母憂去職禎明元年起為中衛將軍
若光祿大夫置佐史扶竝如故三年入關隋大
業初為成州刺史太常卿

衡陽王伯信字孚之世祖第七子也天嘉元年
衡陽獻王昌自周還朝於道薨其年世祖立伯
信為衡陽王奉獻王祀尋為宣惠將軍丹陽尹
置佐史太建四年為中護軍六年為宣毅將軍
揚州刺史尋加侍中散騎常侍十一年進號鎮
前將軍太子詹事餘竝如故禎明元年出為鎮

南將軍西衡州刺史三年隋軍濟江與臨汝侯
方慶竝為西衡州刺史王勇所害事在方慶傳

廬陵王伯仁字壽之世祖第八子也天嘉六年
竝為廬陵王太建初為輕車將軍置佐史七年
遷冠軍將軍中領軍尋為平北將軍南徐州刺
史十二年為翊左將軍中領軍禎明元年加侍
中國子祭酒領太子中庶子三年入關卒于長
安長子番先封湘濱侯隋大業中為資陽令

江夏王伯義字堅之世祖第九子也天嘉六年

立為江夏王太建初為宣惠將軍東揚州刺史
置佐史尋為宣毅將軍持節散騎常侍都督合
霍二州諸軍事合州刺史十四年徵為侍中忠
武將軍金紫光祿大夫禎明三年入關遷干瓜
州於道卒長子元基先封湘潭侯隋大業中為
穀孰縣令

武陵王伯禮字用之世祖第十子也天嘉六年
立為武陵王太建初為雲旗將軍持節都督吳
興諸軍事吳興太守在郡恣行暴掠驅錄民下

逼奪財貨前後委積百姓患之太建九年為有
司所劾上曰王年少未達治道皆由佐史不能
匡弼所致特降軍號後若更犯必致之以法有
司不言與同罪十一年春被代徵還伯禮遂遷
延不發其年十月散騎常侍御史中丞徐君敷
奏曰臣聞車履不侯君命之通規夙夜匪懈臣
子之恒節謹案雲旗將軍持節都督吳興諸軍
事吳興太守武陵王伯禮且擅英猷又馳令問
惟良寄重粉鄉是屬聖上愛育黔黎留情政本

共化求瘼早起皇心遂復稽緩歸驂取移涼燠
遲回去鷓空淹載路淑慎未彰違隋斯在繩愆
檢迹以為懲戒臣等參議以見事免相禮所居
官以王還第謹以白簡奏聞詔曰可從明三年
入關隋大業中為散騎侍郎臨洮太守

永陽王伯智字策之世祖第十二子也少敦厚
有器量博涉經史太建中立為永陽王尋為侍
中加明威將軍置佐史尋加散騎常侍累遷尚
書左僕射出為使持節都督東揚豐三州諸軍

平東將軍領會稽內史至德二年入為侍中
右將軍加特進禎明三年入關隋大業中為
岐州司馬遷國子司業

桂陽王出謀字深之世祖第十三子也大建中
立為桂陽王十一年為明威將軍置佐史尋為侍
威將軍丹陽王十一年加侍中出為特節都督

出為將軍東山郎將王真太子十一年加散騎
將軍至德元年薨王鄼嗣太子中為書令

出為太子一男柳皇后生後主為書人始興

好

王叔陵南弟叔華三豫章王叔英弟叔儀生長沙
 王叔堅宜都王叔明魏昭容生建寧王叔卿錢
 貴兒生河東王叔獻劉昭儀生新蔡王叔齊秦
 昭容生晉熙王叔文義陽王叔達新會王叔坦
 王姬生淮南王叔彪巴山王叔雄吳姬生始興
 王叔重徐姬生壽陽王叔藏齊王姬生岳陽王
 叔慎王脩華生武昌王叔虞韋脩容生湘東王
 叔平施姬生臨加員王叔敖沅陵王叔興曾姬生陽
 山王叔宣楊姬生西陽王叔穆申婕母生南安王叔
 儉南郡王叔澄岳山王叔韶太原王叔匡袁姬
 生新興王叔純吳姬生巴東王叔謨劉姬生臨
 江王叔顯秦姬生新寧王叔隆新昌王叔榮其
 皇子叔靈叔忠叔引叔毅叔訓叔武叔處叔封
 等八人並未及封叔陵犯逆別有傳三子早卒
 本書無名

豫章王叔英字子烈高宗第三子也少寬厚仁
 愛天嘉元年封建安侯太建元年改封豫章王
 仍為宣惠將軍都督東揚州諸軍事東揚州刺

史五年進號平北將軍南豫州刺史十一年為
鎮前將軍江州刺史後主即位進號征南將軍
尋加開府儀同三司中衛大將軍餘竝如故四
年進號驃騎大將軍禎明元年給鼓吹一部班
劍十人其年遷司空三年隨師濟江叔英知石
頭軍成事尋令入屯朝堂及六軍敗績降于隋
將韓擒虎其年入關隋大業中為涪陵太守長
子弘至德元年拜豫章國世子

長沙王叔堅字子成高宗第四子也母本吳中

世家註高宗微時嘗往飲遂與通及貴召拜

儀叔堅少傑黠凶虐使酒尤好數術卜筮祝禁

鎔金琢玉竝究其妙天嘉中封豐城侯太建元

年立為長沙王仍為東中郎將吳郡太守四年

為宣毅將軍江州刺史置佐史七年進號雲麾

將軍郢州刺史未拜轉為平越中郎將廣州刺

史尋為平北將軍合州刺史八年復為平西將

軍郢州刺史十一年入為翊左將軍丹陽尹初

叔堅與始興王叔陵竝招聚賓客各爭權寵其

不平，每朝會鹵簿不肯爲先後，必分道而趨。左右或爭道而鬪，至有死者。及高宗弗豫，叔堅、叔陵等竝從。後主侍疾，叔陵陰有異志，乃命典藥吏曰：「切藥刀甚鈍，可礪之。」及高宗崩，君卒之際，又命其左右於外取劍，左右弗悟，乃取朝服所佩木劍以進。叔陵怒，叔堅在側聞之，疑有變，伺其所爲。及翌日，小斂，叔陵袖劉藥刀趨進，所後主中項，後主悶絕于地。皇太后與後主乳母葉安君、吳氏俱以身捍之，獲免。叔堅自後扼叔陵。

擒之，并奪其刀，將殺之。門後主曰：「即盡之，爲待也。」後主不能應。叔陵舊勇力，須臾自奮得脫出。雲龍門入于東府城，召左右斷青溪橋道，放東城囚以充戰士。又遣人往新林追其所部兵馬，仍自被甲着白布帽，登山城西門，招募百姓。是時衆軍竝緣江防守，臺內空虛。叔堅乃白太后使太子舍人司馬申以後主命，召蕭摩訶令討之。即日擒其將戴洳、譚驎、驎等，送臺斬于尚書閣下，持其首徇于東城。叔陵恚擾，不知所爲，乃盡

殺其妻妾率左右數百人走趨新林摩訶追之
斬于丹陽郡餘黨乘擒其年以功進號驃騎將
軍開府儀同三司揚州刺史尋遷司空將軍刺
史如故是時後主患劊不能視事政無小大悉
委叔堅決之於是勢傾朝廷叔堅因肆驕縱事
多不法後主由是踈而忌之孔範管斌施文慶
之徒並東宮舊臣日夜陰持其短至德元年乃
詔令即本號用三司之儀出為江州刺史未發
尋有詔又以為驃騎將軍重為司空實欲去其

權勢叔堅不自安稍怨望乃為左道厭魅以求
福助刻木為偶人女以道士之服施機關能拜
跪晝夜於日月下醮之祝詛於上其年冬有人
上書告其事案驗並實後主召叔堅囚于西省
將殺之其夜令近侍宣敕數之以罪叔堅對曰
臣之本心非有他故但欲求親媚耳臣既犯天
憲罪當萬死臣死之日必見叔陵願宣明詔責
於九泉之下後主感其前功乃赦之特免所居
官以王還第尋起為侍中鎮左將軍二年又給

鼓吹油幢車三年出為征西將軍荊州刺史四年進號中軍大將軍開府儀同三司禎明二年秩滿還都三年入關遷于瓜州更名叔賢賢素貴不知家人生產至是與妃沈氏酤酒以傭保為事隋大業中為遂寧郡太守

建安王叔卿字子弼高宗第五子也性質直有村野容貲其偉太建四年立為建安王授東中郎將東揚州刺史七年為雲麾將軍郢州刺史置位史九年進號平南將軍湘州刺史後主即

煬進號南將軍又為侍中鎮右將軍中書令遷中書監禎明三年入關隋大業中為都官郎上黨通守

宜都王叔明字子昭高宗第六子也儀容美麗舉正和弱狀似婦人太建五年立為宜都王尋授宣惠將軍置位史七年授東中郎將東揚州刺史尋為輕車將軍衛尉卿十三年出為使持節雲麾將軍南徐州刺史又為侍中翊右將軍至德四年進號安右將軍禎明三年入關隋大

業中為鴻臚少卿

河東王叔獻字子恭高宗第九子也性恭謹聰

敏好學太建五年立為河東王七年授宣毅將

軍置佐史尋為散騎常侍軍師將軍都督南徐

州諸軍事南徐州刺史十二年薨年十三贈侍

中中撫將軍司空諡曰康簡子孝寬嗣孝寬以

至德元年襲爵河東王禎明三年入關隋大業

中為汶城令

新蔡王叔齊字子肅高宗第十一子也風彩明

瞻博涉經史善屬文大建七年立為新蔡王尋

為智武將軍置佐史出為東中郎將東揚州刺

史至德二年入為侍中將軍佐史如故禎明元

年除國子祭酒侍中將軍佐史如故三年入關

隋大業中為尚書主客郎

晉熙王叔文字子才高宗第十二子也性輕險

好虛譽頗涉書史大建七年立為晉熙王尋為

侍中散騎常侍宣惠將軍置佐史進號輕車將

軍揚州刺史至德元年授持節都督江州諸軍

事江州刺史二年遷信威將軍督湘衡武桂四
州諸軍事湘州刺史禎明二年秩滿徵爲侍中
宣毅將軍佐史如故未還而隋軍濟江破臺城
隋漢東道行軍元帥秦王至于漢口時叔文自
湘州還朝至巴州乃率巴州刺史畢寶等請降
致書於秦王曰竊以天無二日晦明之序不差
土無二王尊卑之位乃別今車書混壹文軌大
同敢披丹款申其屈膝秦王得書因遣行軍吏
部柳莊與元帥府僚屬等往巴州迎勞叔文叔

文於是與畢寶荆州刺史陳紀等文武將吏赴
于灌口秦王竝厚待之置于賓館隋開皇九年
三月衆軍凱旋文帝親幸溫湯勞之叔文與陳
紀周羅暎荀法尚等并請降人見于路次數日
叔文從後主及諸王侯將相并乘輿服御天文
圖籍等竝以次行列仍以鐵騎圍之隨晉王秦
王等獻凱而入列于廟庭明日隋文帝坐于廣
陽門觀叔文又從後主至朝堂南文帝使內史
令李德林宣旨言其君臣不能相弼以致喪亡

後主與其羣臣並慙懼拜伏莫能仰視叔文獨
欣然而有自得之志旬有六日乃上表曰昔在
巴州已先送款乞知此情望異常例文帝雖嫌
其不忠而方欲懷柔江表乃授開府拜宜州
刺史

淮南王叔彪字子華高宗第十三子也少聰惠
善屬文太建八年立為淮王而王尋位侍中仁威
將軍尋佐史禎明三年入關尋卒于長安

始興王叔重字子厚高宗第十四子也性質朴

無伎藝高宗崩始興王叔陵為逆誅死其年立
叔重為始興王以奉昭烈王後至德元年為仁
威將軍揚州刺史置佐史二年加使持節都督
江州諸軍事江州刺史禎明二年入關陰山大業
中為太府少卿卒

尋陽王叔儼字子思高宗第十五子也性凝重
舉止方正後主即位立為尋陽王至德元年為
侍中仁威將軍置佐史禎明三年入關尋卒
岳陽王叔慎字子敬高宗第十六子也少聰敏

十歲能屬文。大建十四年立為山陽王。時年十一。年德四年拜侍中。智武將軍丹陽王。是時後主元愛文章。叔慎與衡陽王伯信新蔡三叔齊等日夕陪侍。每應詔賦詩。恒被嗟賞。禎明元年。為使持節都督湘衡桂武四州諸軍事。智武將軍湘州刺史。三年隋師濟江。破臺城。前刺史晉熙王叔文還至巴州。與巴州刺史畢憲。州刺史陳紀竝降。隨行軍元帥清河公楊素。兵下。州別遣其將龐暉將兵略地。南至湘州城內。將士莫

有固志。尅日請降。叔慎乃置酒會文武僚吏。酒酣。叔慎歎曰。君臣之義盡於此乎。長史謝基伏而流涕。湘州助防遂興侯正理在坐。乃起曰。主辱臣死。諸君獨非陳國之臣乎。今天下有難言。是致命之秋也。縱其無成。猶見臣節。青門之外。有死不能。今日之幾。不可猶豫。後應者斬。眾咸許諾。乃刑牲結盟。仍遣人詐奉降書於龐暉。暉信之。克期而入。叔慎伏甲待之。暉令數百人屯于城門。自將左右數十人入于廳事。俄而伏兵

發縛暉以徇盡擒其黨皆斬之叔慎坐于射堂
招合士氣數日之中兵至五千人衡陽太守樊
通武州刺史鄔居業皆請赴難未至隋遣中卒
公薛曹為湘州刺史聞龐暉死乃益請兵隋又
遣行軍總管劉仁恩救之未至薛曹兵次鷄羊
山叔慎遣正理及樊通等拒之因大合戰自晨
至十日吳隋軍迭自迭戰而正理兵少不敵於
是大敗曹棄勝入城生擒叔慎是時鄔居業率
其眾自武州來赴出橫橋江聞叔慎敗績乃頓

于新康口備總管劉仁恩兵亦至橫橋據水置
營相待信宿因合戰居業又敗仁恩虜叔慎正
理居業及其黨與十餘人秦王朝之于漢口叔
慎時年十六

義陽王叔達字之聰高宗第十七子也太建十
四年立為義陽王尋拜仁武將軍置佐史趙明
元年除為陽尹三年入關隋大業中為內史至
絳郡通守

巴山王叔雄字子猛高宗第十八子也

羣立母巴山王禎明三年入關卒于長安
武昌王叔虞字子安高宗第十九子也太建十
四年立母武昌王尋為壯武將軍置佐史禎明
三年入關隋大業中為高苑令

湘東王叔平字子康高宗第二十子也至德元
年立為湘東王禎明三年入關隋大業中為湖
蘇令

臨賀王叔教字子仁高宗第二十一子也至德
元年立為臨賀王尋為仁武將軍置佐史禎明

三年入關隋大業初拜儀同三司

陽山王叔宣字子通高宗第二十二子也至德
元年立為陽山王禎明三年入關隋大業中為

涇城令

西陽王叔穆字子和高宗第二十三子也至德

元年立為西陽王禎明三年入關卒于長安

南安王叔儉字子約高宗第二十四子也至德

元年立為南安王禎明三年入關卒于長安

南郡王叔澄字子泉高宗第二十五子也至德

元平立為南郡王禎明三年入關隋大業中為
靈武令

沅陵王叔興字子推高宗第二十六子也至德

元年立為沅陵王禎明三年入關隋大業中為

給事郎

岳山王叔韶字子欽高宗第二十七子也至德

元年立為岳山王尋為智武將軍貞觀四年

除并陽尹禎明三年入關卒于長安

新興王叔純字子共高宗第二十八子也至德

元年立為新興王禎明三年入關隋大業中為

河北令

巴東王叔讓字子軌高宗第二十九子也至德

四年立為巴東王禎明三年入關隋大業中為

岷陽令

臨江王叔顯字子明高宗第三十子也至德四

年立為臨江王禎明三年入關隋大業中為嘉

祿令

新會王叔坦字子開高宗第三十一子也至德

四十一立為新會王，禎明三年入關，隋大業中為
法令

新寧王叔隆，字子遠，高宗第三十二子也。至德

四十一立為新寧王，禎明三年入關，卒于長安。

新昌王叔榮，字子徹，高宗第三十三子也。禎明

二立為新昌王，三年入關，隋大業中為內

黃令

太原王叔匡，字子佐，高宗第三十四子也。禎明

二立為太原王，三年入關，隋大業中為壽

光令

後主一十二男，張貴妃生皇太子深，會稽王莊

孫姬生吳興王胤，高昭儀生南平王嶷，呂淑媛

生永寧王彥，邵陵王琑，龍鳳生嬪，生南海王虔，錢

塘王心，張淑華生信義王恭，徐淑儀生東陽王

恮，孔貴人生吳郡王善，長白子摠，觀明綱，統冲

洽，繼統，威，辯，十一人，並未及封。

皇太子深，字承源，後主第四子也。少聰敏，有志

操，容止儼然，雖左右近侍未嘗見其喜愠，以母

張貴妃故特為後主所愛至德元年封為安王
邑二千戶尋為軍師將軍揚州刺史兼佐史禎
明二十皇太子胤廢後主乃立深為皇太子三
年隋師濟江六月敗績隋將韓擒虎自南掖門
入百依逃散深時年十餘歲閉閣而坐舍人孔
伯魚立為隋軍排闥而入深使宣令勞之曰軍
旅在途不乃勞也軍人咸敬焉其年入關隋大
業中為枹罕太守

吳興王胤字承業後主長子也大建五年二月

王生于東宮母孫姬因產卒皇太后哀而養
之以為己子時後主年長未有胤嗣高宗因念

以為嫡孫其日下詔曰皇孫初誕國祚方殷思

與羣臣共同斯慶内外文武賜帛各有差為

後者賜爵一級十年下封為永康公後主即位立

為皇太子胤性聰敏好學執經肄業終日不倦

博通大義兼善屬文三年躬出太學講孝

經講畢文釋奠於先師先師其日設金石之樂

於太學三公卿士及太子生並預宴是時張貴

死孔貴嬪並愛幸沈皇后無寵而道侍左右載
於東宮往來太子亦數使人至宮後主疑其
怨望甚惡之而張孔二主只妃又日夜橫成后及
太子之短孔等之德又於外合成其事禎明二
年廢為貴妃仍加侍中中衛將軍三年入關
卒于長安

南平王疑字承嶽後主第二子也方正有器局
年數歲風采舉動有若成人至德元年立為南
平王尋除信武將軍南琅邪彭城二郡太守置

佐史遷揚州刺史進號鎮南將軍尋為使持節
都督郢荆湘三州諸軍事征西將軍郢州刺史
未行而隋軍滅江禎明三年入關卒于長安

永嘉王彥字承欽後主第三子也至德元年立
為永嘉王尋為忠武將軍南徐州刺史進號安
南將軍尋散騎常侍使持節都督江巴古夔衡三
州諸軍事尋平南將軍江州刺史入行隋師濟江
禎明三年入關隋大業中為襄武公

南海王暕字承恪後主第五子也至德元年立

為南海王。子為武毅將軍。真任史進號軍師將
軍。後二年出為平北將軍。南徐州刺史。又三年
入關。隋大業中為涿令。

信義。字敬後。主第六子也。至德元年立
為信義王。尋為武將軍。置佐史。授使持節都

督智武將軍。環邪彭城二郡太守。禎明三年入

關。隋大業中為通議郎。

邵陵王。况。字承檢。後主第七子也。禎明元年立

為邵陵王。邑二千戶。尋為武將軍。置佐史。三

年入關。隋大業中為國子監丞。

會稽王。莊。字承蕭。後主第八子也。容貌最陋。性

嚴酷。數歲左右。有不如意。輒刺其面。加以燒

斃。人以母張氏。身地有寵。後主甚愛之。至德四年立

為會稽王。尋為前將軍。置佐史。除使持節都

督揚州諸軍事。州刺史。禎明三年入關。隋大

業中為國子監丞。

襄陽王。松。字承厚。後主第九子也。禎明二年立

為襄陽王。邑二千戶。拜二年入關。隋大業中

為造議罪

吳郡王三番字宗廣為王第十子也。復明二年封
吳郡王。三年入關。隋入業中為涪城令。

錢瑋字恬字承煥為主第十一子也。復明二年
立為錢瑋王。邑一千戶。三年入關。卒于長安。

江左自西晉相承諸王開國並以口數相差為
大小三品。大國置上中下三將軍。又置司馬一
人。次國置中下二將軍。小國置將軍一人。餘官
亦准此。為孝高祖受命自永定訖于復明唯衡

陽王昌特加殊寵。至五千戶。其餘大國不過二
千戶。小國即千戶。而舊史殘缺不能知其國
戶數。故綴甘本遺事附于此。

大臣以世祖高宗終主並建藩屏以樹懿親。固
乃本根。陸斯盤石。鄧陽王伯山有風采德哭亦
一山。今藩矣。岳陽王叔慎屬杜稷。慎名情哀家
國竭誠赴敵。志不圖生。嗚呼。古之忠烈致命斯
之謂也。

國傳第二十二

陳書二十八

列傳第二十二

陳書二十九

散騎常侍姚

思廉

選

宗元饒

司馬申

毛喜

蔡徵

宗元饒南郡江陵人也少好學以孝敬聞仕梁世解褐本州主簿遷征南府行參軍仍轉外兵參軍及司徒王僧辯幕府初建元饒與沛國劉

師知同爲主簿高祖受禪除晉陵令入爲尚書
功論即使齊還爲廷尉正遷大僕卿領本邑大
中正中書通事舍人尋轉廷尉卿加通直散騎
常侍兼尚書左丞時高宗初即位軍國務廣事
無巨細一以咨之臺省號爲稱職遷御史中丞
知五禮事時合州刺史陳良賊汙狼藉遣使就
渚斂魚又於六郡乞米百姓甚苦之元饒劾奏
曰臣聞建旗求瘼實寄廉平褰帷恤隱本資仁
恕如或貪汙是肆徵賦無狀天網雖疎茲焉弗

深謹案鍾陵縣開國侯合州刺史臣良因藉多
辜預逢抽擢爵由恩被官以私加無德無功坐
尸榮貴譙肥之地久淪非所皇威剋復物仰仁
風新邦用輕彌俟寬惠應斯作收其寄尤重爰
降曲恩祖行宣室親承規誨事等言提雖廉潔
之懷誠無素苦而實茲嚴訓可以厲精遂乃擅
行賦斂專肆貪取求粟不厭愧王沈之出賑徵
魚無限異羊續之懸枯官以嚴科實惟明憲臣
等參議請依旨免良所應復除官其應禁錮及

後選左降本資悉依免官之法遂可其奏吳興
太守武陵王伯禮豫章內史南康嗣王方泰並
驕蹇放橫元饒案奏之皆見削黜元饒性公平
善持法諳曉故事明練治體吏有犯法政不便
民及於名教不足者隨事糾正多所裨益遷貞
威將軍南康內史以秩米三千餘斛助民租課
存問高年拯救乏絕百姓甚賴焉以課最入朝
詔加散騎常侍荆雍湘巴武五州大中正尋以
本官重領尚書左丞又為御史中丞歷左民尚
書右中衛將軍領前將軍遷吏部尚書大建十三
年卒時年六十四詔贈侍中金紫光祿大夫官
給喪事

司馬由字季和河內溫人也祖慧遠梁都水使
者父玄通梁尚書左民郎申早有風旣末十四便善
弈碁嘗日隨父候吏部尚書到仲舉時梁州刺史
陰子春領軍朱异在焉子春素知申即於坐所
呼與為對申每有妙思昇觀而奇之因引申遊
處梁邵陵王為丹陽尹以申為主簿屬太清之

异

難父母但沒因此自誓菜食終身梁元帝承制起為開法將軍遷鎮西外兵記室參軍及侯景寇郢州由隨都督王僧辯據巴陵每進籌策皆見行用僧辯歎曰此生要韃汗馬或非所長若使無衆一守城必有奇績僧辯之討陸納也申在軍中子時賊衆奄至左右披靡申躬蔽僧辯蒙楯而前曾裴之橫救至賊乃退僧辯顧申而笑曰仁者必有勇豈虛言哉除散騎侍郎紹泰初遷儀同左女都從事中郎高祖受禪除安東臨川

子

王諮議參軍天嘉三年遷征北諮議參軍兼任尉監五年除鎮東諮議參軍兼起部郎出為戎昭將軍江乘令甚有治績入為尚書金部郎遷左民郎以公事免太建初起為貞威將軍征南鄱陽王諮議參軍九年除秣陵令在職以清能見紀有白雀巢于縣庭秩滿頃之預東宮賓客季兼東宮通事舍人遷貞外散騎常侍舍人如故及叔陵之肆逆也事既不捷出據東府申勅召右衛蕭摩訶帥兵先至追斬之因入城中收

忠

其府庫後主深嘉之以功除太子左衛率封文始縣伯邑四百戶兼中書通事舍人尋遷右衛將軍加通直散騎常侍以疾還第就加散騎常侍右衛舍人如故至德四年卒後主嗟悼久之下詔曰慎終追遠欽若舊則闔棺定諡抑乃前典故散騎常侍右衛將軍文始縣開國伯申忠肅在公清正立已洽敏處約投軀殉義朕任寄情深方康庶績奄然化生傷惻于懷可贈侍中護軍將軍進爵為侯增邑為五百戶諡曰中給

朝服具衣一襲剋日舉之哀喪事所須隨由資給及葬後主自製誌銘辭情傷切卒章曰嗟乎夫不與善殲我良臣其見幸如此申歷事三帝內掌機密至於倉卒之間軍國大事指麾斷決無有滯留子琇嗣官至太子舍人

毛喜字伯武棗陽陽武人也祖稱梁散騎侍郎父栖忠梁尚書比部侍郎中權司馬喜少好學善草隸起家梁中衛西昌侯行參軍尋遷高祖參軍高祖素知於喜及鎮京口命喜與高宗俱

往江陵仍勅高宗曰汝至西朝可諮臬毛喜喜
與高宗同謁梁元帝即以高宗為領真喜為尚
書功論侍郎及江陵陷喜及高宗俱遷關右世
祖即位喜自周還進和好之策朝廷乃遣周弘
正等通聘及高宗反國喜於郢州奉迎又遣喜
入關以家屬為請周冢宰宇文護執喜手曰能
結二國之好者卿也仍迎稱皇后及後主還天
嘉三年至京師高宗時為驃騎將軍仍以喜為
府諮議參軍領中記室府朝文翰皆喜詞也世

祖嘗謂高宗曰我諸子皆以伯為名汝諸兒宜
用叔為稱高宗以訪于喜喜即條陳自古名賢
杜叔英虞叔卿等二十餘人以啓世祖世祖稱
善世祖崩廢帝冲昧高宗錄尚書補政僕射到
仲舉等知朝望有歸乃矯太后令遣高宗還東
府當時疑懼無敢措言喜即馳入謂高宗曰陳
有天下日淺海內未夷兼國禍併鍾萬邦危懼
皇太后深惟社稷至計令王入省方當共康庶
績比德伊周今日之言必非太后之意宗社之

重顏加三思以喜之愚須臾聞奏無使姦賊得肆其謀竟如其策右衛將軍韓子高始與仲舉通謀其事未發喜請高宗曰宜簡選人馬配與子高并賜鐵炭使修器甲高宗譙曰子高謀反即欲收執何爲更如是邪喜荅曰山陵始畢邊寇尚多而子高受委前朝名爲杖順然甚輕猶恐不時授首脫其稽誅或愆王度宜推心安誘使不自疑圖之二壯士之力耳高宗深然之卒行其計高宗即位除給事黃門侍郎兼中書舍

人典軍國機密高宗將議址伐勅喜撰軍制凡十三條詔頒天下文多不載尋遷太子右衛率右衛將軍以定策功封東昌縣侯邑五百戶又以本官行江夏武陵桂陽三王府國事太建三年丁母憂去職詔追贈喜母庾氏東昌國太夫人賜布五百疋錢三十萬官給喪事又遣負外散騎常侍杜緬圍其墓田高宗親與緬案圖指畫其見重如此尋起爲明威將軍右衛舍人如故改授宣遠將軍義興太守詔以本號入爲御

史中丞服闋加散騎常侍五兵尚書參掌選事
及衆軍北伐得淮南地喜陳安邊之術高宗納
之即日施行又問喜曰我欲進兵彭沛於卿意
如何喜對曰臣實才非智者安敢預兆未然竊
以淮左新平邊民未久周氏始吞齊國難與爭
鋒豈以弊卒疲兵復加深入且弃舟楫之工踐
車騎之地去長就短非吳人所便臣愚以為不
若安民保境寢兵復約然後廣募英奇順時而
動斯久長之術也高宗不從後吳明徹陷周高

宗謂喜曰卿之所言驗於今矣十二年加侍中
十三年授散騎常侍丹陽尹遷吏部尚書常侍
如故及高宗崩叔陵構逆勅中庶子陸瓊宣旨
令南北諸軍皆取喜處分賊平又加侍中增封
并前九百戶至德元年授信威將軍永嘉內史
加秩中二千石初高宗委政於喜喜亦勤心納
忠多所匡益數有諫諍事竝見從由是十餘年
間江東狹小遂稱全盛唯略地淮北不納喜謀
而吳明徹竟敗高宗深悔之謂袁憲曰不用毛

喜計遂令至北朕之過也喜既益親乃言無回
避而皇太子好酒德每共幸人爲長夜之宴喜
嘗爲言高宗以誠太子太子陰患之至是稍見
踈遠初後主爲始興王所傷及瘡愈而自慶置
酒於後殿引江摠以下展樂賦詩醉而命喜于
時山陵初畢未及踰年喜見之不懌欲諫而後
主已醉喜升階佯爲心疾仆于階下移出省中
後主醒乃疑之謂江摠曰我悔召毛喜知其無
疾但欲阻我懽宴非故所爲故女奴詐耳乃與司

馬申謀曰此人負氣吾欲將乞鄱陽兄弟聽其
報讎可乎對曰終不爲官用願如聖旨傳緯爭
之曰不然若許報讎欲置先皇何地後主曰當
乞一小郡勿令見人事耳乃以喜爲永嘉內史
喜至郡不受俸秩政弘清靜民吏便之遇豐州
刺史章大寶舉兵反郡與豐州相接而素無備
禦喜乃修治城隍嚴飾器械又遣所部松陽令
周璠領千兵援建安賊平授南安內史禎明元
年徵爲光祿大夫領左驍騎將軍喜仁郡有惠

政乃徵入朝，道路追送者數百里。其年道病卒。時年七十二，有集十卷子。虔沖嗣官，至儀同從事，中郎中書侍郎。

蔡徵，字希世，侍中中撫軍將軍景歷子也。幼聰敏，精識彊記。年六歲，詣梁吏部尚書河南褚翔，翔字仲舉，嗟其穎悟。七歲，丁母憂，居喪如成人禮。繼母劉氏，性悍忌，視之不以道。徵供持益謹，初無怨色。徵似本名，隨景歷以為有王祥之性，更名徵，字希世。梁承聖初，高宗為南徐州刺史，徵

補府主簿，授太學博士。天嘉初，遷始興王府

法曹行參軍，歷外兵參軍、尚書主客郎。所居以

幹理稱。太建初，遷太子少傅丞，新安王主簿、通

直散騎侍郎。晉安王功曹史，太子中舍人兼東

宮領直中舍人如故。丁父憂，去職服闋，襲封新

豐縣侯，授戎昭將軍，鎮石新安王諮議。安軍至

德二年，遷廷尉卿，尋為吏部郎，遷太子中庶子。

中書舍人等，詔詰尋授左民尚書，與僕射江總

知撰五禮事，尋加寧遠將軍，後主器其材幹，任

將日重遷吏部尚書安右將軍每十日一往東
宮於太子前論述古今得失及當將政務又勅
以廷尉寺獄事無大小取徵議決俄有勅遣徵
收募兵士自爲部曲徵善撫恤得物情旬月之
間衆近百萬徵他望既重兼聲勢熏灼物議咸
忌憚之尋徙爲中書令將軍如故中令清簡無
事或云徵有怨言事聞後主後主大怒收奪人
馬將誅之有固諫者獲免禎明三年隋軍濟江後
主以徵有幹用權知中領軍徵日夜勤苦備盡心

官

力後主嘉焉謂曰事寧有以相報及深置於鍾
山南崗勅徵守宮城西北大營尋令督衆軍戰
事城陷隨例入關徵美容儀有口辯多所詳究
至於士流官官皇家戚屬及當朝制度悉置儀
軌戶口風俗山川土地問無不對然性頗便佞
進取不能以退素自業初拜吏部尚書徵後主
借諛吹後主謂所司只鼓吹軍樂有功乃授蔡
徵不自量擬奏我朝言然其父景歷既有締構
之功宜且如所啓拜訖即追還徵不脩廉隅皆

此類也。隋文帝聞其敏贍，召見顧問，言輒會。然累年不調，久之除太常丞，歷尚書、民部、儀曹郎，轉給事中。時年六十七，子翼治尚書、官至司徒，屬德教學士。大隋為東宮學士。

史臣曰：宗元饒夙夜匪懈，濟務益時，司馬申清恪在朝，政古立行，加以忠節美矣。毛喜深達事機，匡贊時主，察徵聰敏，才贍而擅權，自躡惜哉。

列傳第二十三

陳書二十八

列傳第二十四

陳書三十

散騎常侍姚思恩撰

蕭藻

陸瓌

子從典

顧野王

傅縡

章華

蕭藻字孝康，自海蘭時人也。少好學，博通經史。武帝在宮，以義三十餘條尚書僕射范陽張纘、常鄉南陽劉之遴，並與藻討論。纘等莫能

抗此解福梁書郎遷太子舍人預平侯景之
功以松陽縣為邑五百戶及高祖作鎮徐方
以梁為明威將軍征北長史承聖二年徵為中
書郎即轉通直散騎常侍世祖為會稽太守又
以梁為宣毅府長史遷司徒左長史世祖即位
授侍中尋遷左府卿下所生母憂不拜濟毗佐
二士恩遇甚厚而賞賜加於凡等歷守蘭陵陽羨
臨江臨安等郡所在皆著聲績大建初入為五兵尚
書與左僕射徐陵特進周弘正度支尚書王瑒

散騎常侍袁憲直侍東宮復為司徒長史尋授
度支尚書領羽林監遷國子祭酒領羽林如故
加金紫光祿大夫兼女德宮衛尉尋遷仁威將
軍揚州長史高宗嘗勅取揚州曹真真自省覽
見濟條理詳悉文無滯害乃顧謂左右曰我本
期蕭長史長於經傳不言精練繁劇六至於此
遷祠部尚書加給事中復為金紫光祿大夫未
拜而卒時年六十六詔贈本官官給喪事
陸瓊字伯玉吳郡吳人也祖完梁琅邪莒城二

郡丞父雲公梁給事貴門侍郎堂書生瓊幼聰
意有思理六歲爲五言詩頗有詞采八同未雲
公受梁武帝詔校定書品到流朱書以下並集
瓊時年八歲於客前覆局由是京師號曰神童
皇言之武帝有勅召見瓊風神警異進退詳審
帝甚愛之十一丁父憂毀瘠有至性然祖襄歎
曰此兒必荷門基所謂一不爲少及爲臺京作逆
携母避地于縣之西鄉勤苦讀書晝夜無怠遂
博學善屬文永定中州舉秀士大嘉元年爲寧
遠始興王府法曹行參軍尋以本官兼尚書外
兵郎以文學轉兼殿中郎滿歲爲員瓊素有令
名深爲世祖所賞及討周迪陳寶應等都官符
及諸大手筆並中勅付瓊遷新安王文學掌東
宮管記及高宗爲司徒妙簡僚佐吏部尚書徐
陵薦瓊於高宗曰新安王文學陸瓊見識優敏
文史足用進居郎署歲月過淹左西掾雙允膺
茲選階次小踰其屈滯已積乃除司徒左西掾
詔兼通直散騎常侍聘齊大建元年重以本官

掌子東宮管記除太子庶子兼通事舍人轉中書
住以郎太子家令長沙王為江州刺史不循法度
宜回宗以王年少授瓊長史行江州府國事帶尋
陽太守瓊以母老不欲遠出太子亦固請留之
遂不行累遷給事黃門侍郎領羽林監轉太子
中庶子領步兵校尉又領太常作撰國史後主
即位直中書省掌詔誥俄授散騎常侍兼度支
尚書領揚州大中正至德元年末除度支尚書參
事詔誥并判廷尉建康二獄事初瓊父雲

公奉梁武帝勅撰嘉瑞記瓊述其旨而續焉自
永定訖于至德勒成一家之言遷吏部尚書著
作如故瓊詳練譜牒雅贖文人倫先是由吏部尚書
宗元饒卒右僕射袁憲舉瓊高宗未之用也至
是居之號為稱職後主甚委任焉瓊性謙儉不
自封植雖位望日隆而執志愈下園池一室宇無
所改作車馬衣服不尚鮮華四時祿俸皆散之
宗族家無餘財暮年深懷止足思避位惟要相謝
病不視事俄丁母憂去職初瓊之侍東宮也母

隨在官舍後主賞賜優厚及喪柩還鄉詔加贈
贈并遣謁者黃長賈持無首祭後主又自制誌
銘朝野榮之瓊哀慕過毀以至德四年卒時年
五十詔贈領軍將軍官給喪事有集二十卷行
於世長子從宜仕至武昌王文學第二子從典
字由儀幼而聰敏八歲讀沈約集見回文研銘
從典援筆擬之便有佳致年十三作柳賦其詞
甚美瓊時為東宮管記宮僚竝一時俊偉瓊示
以此賦咸奇其異才從父瑜特所賞愛及瑜將

家中墳籍皆付以從典從典乃集瑜文為十卷
彙序其文甚工從典篤好學業博涉羣書於班
史尤所屬意年十五本州舉秀才解褐著作佐
郎轉太子舍人時後主賜僕射江惣并其父瓊
詩惣命從典為謝啓俄頃便就文華理暢詞甚
異焉尋授信義王文學轉太子洗馬又遷司徒
左西掾兼東宮學士丁父憂去職尋起為德教
學士固辭不就後主勅留一員以待從典俄屬
金陵淪沒隨例遷關右仕隋為給事郎兼東宮

與丁志八除著作佐郎右僕射楊素奏從典禧司
馬遷史記迄于隋其書未就值隋末喪亂寓居
南陽郡以疾卒時年五十七

顏敏野字希馮吳郡吳人也祖子喬梁東中郎
武陵王府參軍事父烜信威臨賀王記室兼本
郡五官掾以儒術知名野王幼好學七歲讀五
經略知大旨九歲能屬文嘗製日賦領軍朱异
見而奇之年十二隨父之建安撰建安地記二
卷冊長而遍觀經史精記嘿識天文地理著皇極占

候靈蒙奇字無所不通梁大同四年除太學博
士遷中領軍臨賀王府記室參軍宣成王為揚
州刺史野王及琅邪王褒並為賓客王甚愛其
才野王又好丹青善圖寫王於東府起齋乃令
野王畫古賢命王褒書贊時人稱為二絕及侯
景之亂野王丁父憂歸本郡乃召募鄉黨數百
人隨義軍據京邑野王體素清羸裁長六尺又
居喪過毀殆不勝衣及杖戈被甲陳君臣之義
逆順之理抗辭作色見者莫不壯之京城陷野

王述會稽尋往東陽與劉歸義合軍據城拒賊
侯景平太尉王僧辯深嘉之使監海鹽縣高祖
作書為金威將軍安東臨川王府記室參軍尋
轉府諮議參軍天嘉元年勅補撰史學士尋加招
遠將軍光大元年除鎮東鄱陽王諮議參軍太建
二年遷國子博士後主在東宮野王兼東宮管
記本官如故六年除太子率更令尋領大著作
掌國史知梁史事兼東宮通事舍人時官僚有
濟陽江德吳國陸瓌北地傅緯吳興姚察並以

才學顯著論者推重焉遷著作郎光祿卿知
五禮事餘官並如故十三年卒時年六十二詔
贈祕書監至德二年又贈右衛將軍野王少以
篤學至性知名在物無過辭失色觀其容貌似
不能言及其勵精力行皆人所莫及第三弟充
國早卒野王撫養孤幼恩義甚厚其所撰著玉
篇三十卷輿地志二十卷符瑞圖十卷顧氏譜
傳十卷分野樞要一卷續洞冥紀一卷玄象表一卷
並行於世又撰通史要略一百卷國史紀傳二

百卷不就而卒有文集二十卷

傅縡字宣事，此地靈州人也。父彝，梁臨沂令。縡幼聰敏，七歲誦古詩賦，至十餘萬言。長好學，能屬文。梁末，清未攜母南奔避難，俄丁母憂。在兵亂之中，居喪盡禮，哀毀骨立。士友以此稱之。後依湘州刺史蕭循，循頗好士，廣集墳籍。縡肆志尋閱，因博通羣書。上琳聞其名，引為府記室。琳敗，隨琳將孫瑒還都。時世祖使顏晃賜瑒雜物，瑒託縡啓謝詞，理優洽，文無加點。晃還言之世祖。

尋召為撰史學士，除司空府記室參軍。遷驃騎

安成王中記室，撰史如故。縡篤信佛教，從興皇

意，創法師受三論，盡通其學。時有大心高法師

著无諍論，以詆之。縡乃為明道論，用釋其難。其

略曰：無諍論言，比有弘三論者，亦由同訶訖，恣言罪

狀，歷毀諸師，非斥衆學論中道，而執偏心語，忘懷

而競獨勝。方學數論，實為讎敵。讎敵既構，諍鬪大

生。以此之心而成罪業，罪業不止，豈不重增生死

大苦。聚集答曰：三論之興，為日久矣。龍樹創其

源除內學之偏見提婆揚其旨蕩外道之邪執
欲使大化流而不擁玄風闡而無墜其言曠其
意遠其道博其流深斯固龍象之騰驤鯤鵬之
搏運卷乘浚羽豈能觝望其間哉頃代澆薄時
無曠士苟習小學以化蒙心漸染成俗遂迷正
路唯競穿鑿各肆營造枝葉徒繁本源日毀一
師解釋復異一師更改舊宗各立新意同學之
中取寤復別如是展轉添採倍多摠而用之心
無的准擇而行之何者為正豈不渾沌傷竅嘉

樹并牙雖復人說非馬家搥靈蛇以無當之危
同畫地之餅失其於尖道不亦宜乎攝山之學
則不如是守一遵本無改作之過約文申意杜
臆斷之情言無預說理非宿構觀緣亦乃應見
敵然後動縱須絡繹忽恍杳冥或彌綸而不窮
或消散而無迹以煥乎有文章蹤朕不可得深乎
不可量即事之而非遠凡相酬對隨理詳要各有
嫉詆一犯諸師且諸師所說為是可毀為不可
毀皆可毀者豈故為有善若不可毀毀自不及法

師獨慈護不聽毀立直教有大小備在聖道
大乘之文則指斥小道今弘大法寧得不言大
乘之意耶斯則褒貶之事從弘放學與奪之辭
依經議論何得見佛說而信順在我語而忤逆
無諍平等心如死耶且惑恚煩惱凡夫恒性失
理之徒率皆有此豈可必三脩未愜六師懷恨
而道靈涅槃妙法亦不宣口吻但冀其忿憤之心既
極恬淡之寤自取耳人面不同其心亦異或有
辭意相反或有口相符而意得必謂他人說中

道而心偏執已行無諍外不違而內平等能敵
關訟豈我事焉罪業聚集鬪諍有所畏耳無諍
論言攝山大師誘進化導則不如此即習行於
無諍者也導悟之德既往淳一之風已澆競勝
之心可毀之曲成於茲矣吾願息諍以通道讓
服以忘德何必排拂異家生其恚怒者乎若以
市道之心行於成實亦能不諍若以偏著之心
說於中論亦得有諍固知諍與不諍偏在一法
答曰攝山大師實無諍矣但法師所賞未衷其

氣後言其無公寂介無為凡有訓勉莫匪同志
從容語嘿無物無間然故其意雖深其言甚約今
之敷暢地勢不然處三城之隅居聚落之內呼
吸顧望之客層吻縱橫之士奮鋒穎勵羽翼明
目張膽被堅執銳騁異家術別解窺伺間隙邀
冀長短與相酬對捕其輕重豈得默默無言唯
唯應命必須拮據同異發擿玼瑕忘身而弘道
以俗而通教以此為病益知未達若令大師當
此之地亦何益然已而為法師所貴耶法師又

吾願息諍以通道讓勝以忘德道德之事不
在諍與不諍讓與不讓也此語直是人間所
聖法師慕而言之竟不知勝若為可讓也若他
人道高則自勝不勞讓矣他人道劣則雖讓而
無益矣欲讓之辭將非虛設中道之心無處不
可成實三論何事致乖但須息守株之解除膠
柱之意是事皆中也來言諍與不諍偏在一
法何為獨衷無諍耶詎非矛盾無諍論言邪正
得失勝負是非必生必死矣非謂所說之法而

有定相論勝劣也若異論是非以偏著為失言
無是無非消彼得失以此論為勝妙者他論所
不及此亦為失也信者凡心所破豈無心於能
破則勝負之心不忘寧不存勝者乎斯則矜我
為得棄他之失即有取舍大生是非便是增諍
答曰言為心使心受言詮和合根塵鼓動風氣
故成語也事必由心實如來說至於心造偽以
使口口行詐以應心外和而內險言隨而意逆
求利養引聲名入世之人在家之士斯輩非一

聖人所以曲陳教誨深致防杜說見在之殃咎
叙將來之患害此文明著甚於日月猶有忘愛
軀冒峻制蹈湯炭言蓋粉必行而不顧也豈能
悅無諍之作而回言章音耶若弘道之人宣化
之士心知勝也口言勝也心知劣也口言劣也
亦無所苞藏亦無所忌憚但直心而行之耳他
道難劣聖人之教也已為難優亦聖人之教也
我勝則聖人勝我劣則聖人劣聖人之優劣蓋
根緣所宜不於彼於此何所厚薄哉雖復終日

渡劍極夜夢一揖瞑目以爭得久作氣以求勝負
在誰處乎有心之與無心彼各分別虛空耳何
意不許我論說而使或謙退此謂鷓鴣已翔於
寥廓而虞者猶窺數澤而求之嗟乎丈夫當弘
斯道矣無諍論言無諍之道通於內外子所言
須諍者此用末而救本失本而營末者也今為
子言之何則若依外典尋書契之前至淳之世
朴質其心行不言之教當于此時民至老死不
相往來而各得其所復有何諍乎固知本來不

諍是物之真矣答曰諍與無諍不可偏執本之
與末又安可知由來不諍寧知非末於今而諍
何驗非本夫居後而望前則為前居前而望後
則為後而前後之事猶如彼此彼呼此為彼此
呼彼為彼彼此之名的居誰處以此言之萬事
可知矣本末前後是非善惡可恒守邪何得自
信聰明廢他耳目夫水泡生滅火輪旋轉入牢
穿受羈縲生憂畏起煩惱其失何哉不與道相
應而起諸見故也相應者則不然無為也無不

爲也善惡不能借而未嘗離善惡生死不能至亦終然在生死故得永離而任放焉是以聖人念繞柱之不脫、愍黏膠之難離、故殷勤教示、備諸便巧、希向之徒、涉求有類、雖麟角難成、象形易失、寧得不矜、歸遐路、勉勵短晨、且當念己身之善惡、莫揣他物而欲分別而言、我聰明我知見我計校我思惟、以此而言、亦爲疎矣、他人者實難測、或可見、凡夫真念亦可見、聖人俯同時俗所宜見、果報所應覩、安得肆習於盡情性而

生譏諂乎、正應虛己而遊乎世、俛仰於電露之間、耳明月在天、衆水咸見、清風在林、羣籟畢響、吾豈逆物哉、不入鮑魚、不甘腐鼠、吾豈同物哉、誰能知我共行斯路、浩浩堂堂乎、豈復見有諍爲非無諍爲是、此則諍者自諍、無諍者自無諍、吾俱取而用之、寧勞法師費功夫、點筆紙、但申於無諍、弟子疲唇舌、消咎漏、唯對於明道、戲論於糟粕、哉、必欲且考真偽、輒觀得失、無過依賢聖之言、檢行藏之理、始終研究、表裏綜覈、使浮

辭無所用詐道自然消請待後筵以觀其妙矣
尋以本官兼通直散騎侍郎使齊還除散侍郎
鎮南始與王諮議參軍兼東宮管記歷太子庶
子僕兼管記如故後主即位遷祕書監右衛將
軍兼中書通事舍人掌詔誥緯為文典麗性又
敏速雖軍國大事下筆輒成未嘗起草沈思者
亦無以加焉甚為後主所重然性本彊不持檢
操負才使氣陵侮人物朝士多銜之會施文慶
沈客卿以便佞親幸專制衡軸而緯益踈文慶

等因共譖緯受高麗使金後主收緯下獄緯素
剛因憤恚乃於獄中上書曰上君人者恭事上
帝子愛下民省嗜欲遠諂佞上明求衣日旰忘
食是以澤被區宇慶流子孫陛下頃來酒色過
度不虔郊廟之神專媚淫昏之鬼小人在側官
豎弄權惡忠直若仇讎視生民如草芥後宮曳
綺繡廐馬餘菽粟百姓流離疆戶蔽野貨賂公
行帑藏損耗神怒民怨眾叛親離恐東南王氣
自斯而盡書奏後主大怒頃之意稍解遣使謂

緯曰我欲赦卿卿能改過不緯對曰臣心如面
臣面可改則臣心可改後主於是益怒令官者
李善慶窮治其事遂賜死獄中時年五十五有
集十卷行於世時有吳興章華字仲宗家世農
夫至華獨好學與士君子遊處頗覽經史善屬
文侯景之亂乃遊嶺南居羅浮山寺專精習業
歐陽頎為廣州刺史署為南海太守及歐陽紇
敗乃還京師太建中高宗使吏部侍郎蕭引喻
廣州刺史馬靖令入子為質引奏華與俱行使

還而高宗崩後主即位朝臣以華素無伐閱競
排抵之乃除大市令既雅非所好乃辭以疾鬱
鬱不得志禎明初上書極諫其大略曰昔高祖
南平百越北誅逆虜世祖東定吳會西破王琳
高宗克復淮南辟地千里三祖之功亦至勤矣
陛下即位于今五年不思先帝之艱難不知天
命之可畏溺於嬖寵惑於酒色祠七廟而不出
拜妃嬪而臨軒老臣宿將棄之草莽諂佞讒邪
昇之朝廷今墮場日蹙隋軍壓境陛下如不改


弦易張臣見麋鹿復遊於姑蘇臺矣書奏後主
大怒即日命斬之

史臣曰蕭濟陸瓊俱以才學顯著顧野王博極
羣典博緯聰警特達竝一代之英靈矣然絳不
能循道進退遂寘極網悲夫

列傳第二十四

陳書二十

24419.4



1953.2
4363

